

- 1 Sier Piero Mocenigo capitaniò di Brexa, qu. sier Francesco . . . 19.160
non Sier Marco Minio fo Consier, qu. sier Bortolomio, va orator al Turco.
- 13 Sier Francesco Corner el cavalier procurator, di sier Zorzi cavalier procurator 66.116
- 7 Sier Alvise Gradenigo fo Cao del Conseio di X, qu. sier Domenego cavalier.
- 16 Sier Marco Foscarei fo ambasciator a Roma.
non Sier Sebastian Justinian el cavalier, fo podestà a Padoa, va orator in Franza.
- 17 Sier Andrea Muazo fo Consier, qu. sier Nicolò 14.165
non Sier Piero Zen fo di la Zonta, è a Constantinopoli.
Sier Nicolò Venier el Consier, qu. sier Hironimo 31.151
non Sier Alvixe d' Armer el proveditor di l' armada.
- 20 Sier Francesco Donado el cavalier, fo consier 47.131
- 10 Sier Tomà Moro è capitaniò a Verona, qu. sier Alvise 59.122
- 179* 11 Sier Polo Malipiero fo di Pregadi, qu. sier Jacomo 26.156
- 12 Sier Gasparo Malipiero el censor, qu. sier Michiel 22.161
- 9 Sier Mareo Grimani el procurator 41.144
non 19 Sier Agustin da Mula el proveditor zeneral, qu. sier Polo.
- 3 Sier Hironimo Barbarigo fo cao del Conseio di X, qu. sier Andrea 35.146

Fu posto, per i Consieri, Cai di XL et Savii, atento che 'l sia stà recuperato per i Zudexi di piovegi 788 campi usurpati di raxon del Ducato, e dovendo haver la soa parte, i qual è nel territorio di Uderzo, a di 23 Dicembre 1525 per il Collegio fu deliberato habbino il quarto di campi, over tanti danari; li quali è stà contenti tuor ducati 250, pertanto sia preso, che alli ditti Zudexi siano dati li ditti danari a ducati 25 al mexe di le tanse et decime 99 et 100 si scuodeno per li scrivani a le Cazude. Fu presa. 121, 37, 3. Li Zudexi sono sier Polo Contarini qu. sier Piero, sier Zuan Boldù qu.

sier Antonio cavalier, sier Giacomo Antonio Moro, di sier Lorenzo, sier Zuan Michiel qu. sier Piero.

Fu posto, per i Consieri, Cai di XL et Savii, una parte, *cum sit* sier Alvise Pixani procurator e qual è in campo, pari debitor a li X officii et cussi sier Zuane suo fiol, che sia perlongato a li ditti a portar i boletini fin el ritorno suo. Ave: 104 di si, 80 di no, et non fu presa perchè la vol i tre quarti; nè più fo mandati.

Fu posto, per li Consieri et tutti, *ut supra*, suspender li debiti de sier Batista Griti qu. sier Francesco ha a le Raxon nove con la Signoria nostra, per anni do. Fo balotà 2 volte. 118, 23, 3. *Iterum* ave 127, 4, 1 et fu presa.

Fu posto, per li ditti, suspender li debiti per do anni a le cazude et raxon nuove di sier Zuan Alberto Contarini qu. sier Luca. Fu presa. Ave: 141, 11, 1.

Di Mantoa, fo portà una lettera del Marchese, di 24, al suo orator, qual fo lecta. Come si scusa che hessendo li lanzinech passati a Governo su le rive di Po et zonto li cavali de venetiani et Zanin di Medici al porton di Curtaton di notte, quel commissario suo non volse aprir la note per non haver ordine da lui, di che si duol, però si voy scusar con il Legato di questo etc. et con la Signoria nostra. Avisa, il nostro campo esser alozato nel Seraio, qual siegue ditti lanzinech, et come per li nostri cavalli sul mantoan vien fatto grandissimi danni a' soi subditi, quali sono disperati etc.

Nota. In le lettere di Roma di l' Orator nostro, 180 di 22, oltre quello ho scritto di sopra, è questo avviso, che 'l nuntio di Napoli havia ditto al Papa, che zonto che fusse a Napoli, el Vicerè faria prometer a Soa Santità di non molestarlo, nè farli guerra. Poi disse a l' Orator nostro, che interteneria in parole esso nuntio fin habbi l' opinion di la Signoria nostra se 'l dia far le trieve, o non, pur è inclinato a far le ditte trieve per non haver danari, et la Signoria atendi che i lanzinech non passino in Lombardia. Eppo Orator disse: « *Pater Sancte*, vostra Beatitudine ha ben il modo di trovar danari ». Rispose: « Non havemo più il modo ». *Item*, si ha per uno corier venuto di Saona con avisi a lo orator del marchese di Mantoa è qui in Roma, di 23 del passato, che il conte di Chiavena era li zonto. *Item*, ditto orator di Mantoa ha monstrato al Papa una lettera che 'l capitaniò Zorzi Frausperg scrive al Marchese suo signor, rechiedendoli il passo per li lanzinech et li fazi il ponte sopra Po, altrimenti che i meterano a foco et fiamma il suo paese,